

海棠花的诗句

1.
东风袅袅泛崇光，香雾空蒙月转廊。只恐夜深花睡去，故烧高烛照红妆。
。——苏轼《海棠》
2.
海棠如雪殿春余。禽弄晚晴初。倦客长惭杜宇，佳辰且醉提壶。逍遥放浪，还他渔子，输与樵夫。一棹何时归去，扁舟终要江湖。——范成大《朝中措·海棠如雪殿春余》
3.
夜雨朝晴花睡余，海棠倾国万花无。馆娃一样三千女，露滴燕脂洗面初。
。——杨万里《晓登万花川谷看海棠》
- 4.只恐夜深花睡去，故烧高烛照红妆。——苏轼《海棠》
5.
候馆灯昏雨送凉，小楼人静月侵床。多情却被无情恼，今夜还如昨夜长。
。金屋暖，玉炉香。春风都属富家郎。西园何限相思树，辛苦梅花候海棠。
。——元好问《鹧鸪天·候馆灯昏雨送凉》
6.
山容娟丽青无尽，心地宽閒乐有涯。春讯不应梅占断，风流犹有海棠花。
。——张侃《家园散策二绝》
7.
软翠冠儿簇海棠，研罗衫子绣丁香。闲来水上踏青阳。风暖有人能作伴，
，日长无事可思量。水流花落任匆忙。——杨基《浣溪沙·上巳》

8.
玉脆红轻不耐寒，无端风雨苦相干。晓来试卷珠帘看，簌簌飞香满画栏。
——张九成《雨中海棠》

9.
酷烈复离披，玄功莫我知。青苔浮落处，暮柳间开时。带醉游人插，连阴被叟移。晨前清露湿，晏后恶风吹。香少传何许，妍多画半遗。岛苏涟水脉，庭绽粒松枝。偶泛因沉砚，闲飘欲乱棋。绕山生玉垒，和郡遍坤维。负赏惭休饮，牵吟分失饥。明年应不见，留此赠巴儿。——薛能《海棠》

10.
一从梅粉褪残妆，涂抹新红上海棠。开到荼靡花事了，丝丝天棘出莓墙。
——王淇《春暮游小园》

11.
蜀地名花擅古今，一枝气可压千林。讥弹更到无香处，常恨人言太刻深。
——陆游《海棠》

12.
税驾名园半日留，游丝飞蝶晚悠悠。骤暄不为海棠计，长昼只添鹦鹉愁。
老去自惊诗酒减，客中偏觉岁时遒。东风好为吹归梦，著我松江弄钓舟。
——陆游《春晴暄甚游西市施家园》

13.
海棠院里寻春色，日炙荐红满院香。不觉风光都过了，东窗浑为读书忙。
——黄庭坚《海棠》

14.
洞户深深掩。笑世间、浓脂腻粉，那般妆点。认取朦胧明月下，不许东风偷飏。偏触动、词人系念。昨日微阴今日雨，好春光有限无馀欠。肯为我，一时暂。冰绡雾縠谁烘染？爱依依、柔条照水，靓妆清艳。墙角绿阴栏外影，印上芸窗冰簟。隔一片、清阴暗澹。不是封姨情太薄，是盈盈树底魂难忏。春欲暮，易生感。——顾太清《金缕曲·咏白海棠》

15.

细雨初怜湿翠裳，新晴特地试红妆。无人会得东风意，春色都将付海棠。
——杨万里《海棠坞》

16.

蓦地诗心到海棠，问花开未晓来忙。村童熟睡不知唤，惟有流莺语似簧。
——白玉蟾《问花》

17.

雪绽霞铺锦水头，占春颜色最风流。若教更近天街种，马上多逢醉五侯。
——吴融《海棠》

18.

点缀春容特地妍，艳妆金缕脸霞嫣。无端风雨妒颜色，半吐芳心向晚天。
——廖行之《雨中惜海棠花四首》

19.

撩乱蒙笼黯淡中，海棠收叶尚藏红。燕支肯负匀妆浅，翡翠何贪剪刻工。
酒病未苏还懊恼，春愁才解易怔忡。流芳催得年华老，又见啼莺转小丛。
——韩偓《咏海棠》

20.

迟迟春日弄轻柔，花径暗香流。清明过了，不堪回首，云锁朱楼。午窗
睡起莺声巧，何处唤春愁？绿杨影里，海棠亭畔，红杏梢头。——朱淑真
《眼儿媚·迟迟春日弄轻柔》

21.

百舌唤朝眠，春心动几般。枕痕霞黯澹，泪粉玉阑珊。笼绣香烟歇，屏
山烛焰残。暖嫌罗袜窄，瘦觉锦衣宽。昨夜三更雨，今朝一阵寒。海棠
花在否，侧卧卷帘看。——韩偓《懒起》

22.

唤起一声人悄。衾冷梦寒窗晓。瘴雨过，海棠晴，春色又添多少。社瓮
酿成微笑。半缺瘦瓢共舀。觉健倒，急投床，醉乡广大人间小。——秦

观《添春色》

23.

万萼霞乾照曙空，向来心赏已多同。未如此日家园乐，数遍繁枝袞袞红。
。——宋祁《海棠》

24.

江城地瘴蕃草木，只有名花苦幽独。嫣然一笑竹篱间，桃李满山总粗俗。
。也知造物有深意，故遣佳人在空谷。自然富贵出天姿，不待金盘荐华屋。
。——苏轼《寓居定惠院之东杂花满山有海棠一株土人不知贵也》

25.

东风袅袅泛崇光，香雾霏霏月转廊。只恐夜深花睡去，故烧高烛照红妆。
。——苏轼《海棠》

26.

游丝无赖小庭空，梦想君家合树红。曾向西川亲画得，举家终日看屏风。
。——苏洵《海棠花放简冯元咨》

27.

去日堂堂挽不回，新年又傍鬓边来。雨声欲作海棠崇，书卷只为春睡媒。
。村舍瘦蔬供薄酒，地炉微火伴残灰。浩然忽起金鞭兴，漾水嶓山安在哉！
。——陆游《春雨复寒遣怀》

28.

竹边台榭水边亭，不要人随只独行。乍暖柳条无气力，淡晴花影不分明。
。一番过雨来幽径，无数新禽有喜声。只欠翠纱红映肉，两年寒食负先生！
。——陈与义《春晴怀故园海棠》

29.

便便痴腹本来宽，不是天涯强作欢。燕子归来新社雨，海棠开后却春寒。
。醉夸落纸诗千首，歌费缠头锦百端。深院不闻传夜漏，忽惊蜡泪已堆盘。
。——陆游《夜宴赏海棠醉书》

30.

日日春风满范围。海棠又发去年枝。月笼火树更深後，露滴燕支晓起时。看不足，醉为期。宵征宁问角巾敲。一春好处无多子，不分西园掇取归。——魏了翁《鹧鸪天·日日春风满范围》

31.

红妆翠袖一番新，人向园林作好春。却笑华清夸睡足，只今罗袜久无尘。——陈与义《海棠》

32.

酷烈复离披，玄功莫我知。青苔浮落处，暮柳间开时。晨前清露湿，晏后恶风吹。香少传何许，妍多画半遗。——薛能《海棠》

33.

绣幄鸳鸯柱，红情密、膩云低护秦树。芳根兼倚，花梢钿合，锦屏人妒。东风睡足交枝，正梦枕瑶钗燕股。障滟蜡、满照欢丛，嫠蟾冷落羞度。人闲万感幽单，华清惯浴，春盎风露。连鬟并暖，同心共结，向承恩处。凭谁为歌长恨？暗殿锁、秋灯夜语。叙旧期、不负春盟，红朝翠暮。——吴文英《宴清都·连理海棠》

34.

命薄佳人，情钟我辈。海棠开后心如碎。斜风细雨不曾晴，倚阑滴尽胭脂泪。恨不能开，开时又背。春寒只了房栊闭。待他晴后得君来，无言掩帐羞憔悴。——刘辰翁《踏莎行·雨中观海棠》

35.

自我来黄州，已过三寒食。年年欲惜春，春去不容惜。今年又苦雨，两月秋萧瑟。卧闻海棠花，泥污燕支雪。暗中偷负去，夜半真有力。何殊病少年，病起头已白。——苏轼《寒食雨》

36.

爱惜芳心莫轻吐，且教桃李闹春风。——元好问《同儿辈赋未开海棠》

37.

烂漫海棠花，多谢东君留得。眉寿堂边风景，与蓬瀛咫尺。桃红李白竞争妍，绿野尽春色。只欠樱唇清唱，怕行云南北。——洪适《好事近·烂漫海棠花》

38.

风定落花深，帘外拥红堆雪。长记海棠开后，正伤春时节。酒阑歌罢玉尊空，青缸暗明灭。魂梦不堪幽怨，更一声啼鴂。——李清照《好事近·风定落花深》

39.

海边佳树生奇彩，知是仙山取得栽。琼蕊籍中闻阆苑，紫芝图上见蓬莱。浅深芳萼通宵换，委积红英报晓开。寄语春园百花道，莫争颜色泛金杯。——李绅《海棠》

40.

压倒群芳，天赋与、十分秾艳。娇嫩处、有情皆惜，无香何慊。恰则才如针粟大，忽然谁把胭脂染。放迟开、不肯媚梅花，羞寒俭。时易过，春难占。欢事薄，才情欠。觉芳心欲诉，冶容微敛。四畔人来攀折去，一番雨有离披渐。更那堪、几阵夜来风，吹千点。——刘克庄《满江红·海棠》

41.

海棠风外独沾巾，襟袖无端惹蜀尘。和暖又逢挑菜日，寂寥未是探花人。不嫌蚁酒冲愁肺，却忆渔蓑覆病身。何事晚来微雨后，锦江春学曲江春。——郑谷《蜀中春日》

42.

二千里地佳山水，无数海棠官道旁。风送落红挽马过，春光更比路人忙。——郭稹《过信州》

43.

岷蜀地千里，海棠花独妍。万株佳丽国，二月艳阳天。——沈立更《海棠百韵》

44.

燕子来时春政好，御园剩拆海棠花。如今翠辇游观少，一片东风属道家。
。——潘玙《四圣观御园海棠花》

45.

故园今日海棠开，梦入江西锦绣堆。万物皆春人独老，一年过社燕方回。
。似青似白天浓淡，欲堕还飞絮往来。无那风光餐不得，遣诗招入翠琼杯。
。——杨万里《春晴怀故园海棠二首·其一》

46.

春风用意匀颜色，销得携觞与赋诗。秾丽最宜新著雨，娇娆全在欲开时。
。莫愁粉黛临窗懒，梁广丹青点笔迟。朝醉暮吟看不足，羡他蝴蝶宿深枝。
。——郑谷《咏海棠》

47.

巴陵二月客添衣，草草杯觞恨醉迟。燕子不禁连夜雨，海棠犹待老夫诗。
。天翻地覆伤春色，齿豁头童祝圣时。白竹篱前湖海阔，茫茫身世两堪悲。
。——陈与义《雨中对酒庭下海棠经雨不谢》

48.

绿娇隐约眉轻扫，红嫩妖饶脸薄妆。巧笔写传功未尽，清才吟咏兴何长。
。——王安石《海棠花》

49.

千点猩红蜀海棠，谁怜雨里作啼妆？杀风景处君知否，正伴邻翁救麦忙。
。——陆游《春雨绝句》

50.

枝间新绿一重重，小蕾深藏数点红。爱惜芳心莫轻吐，且教桃李闹春风。
。——元好问《同儿辈赋未开海棠》

本文链接：<https://duanjuziku.com/duanjuzi/zfa4c7n1hw.html>